

儼塾集

五


番外書冊

一	一	一	二	和
〇	三	〇	六	書
冊	架	函	二	門
			三	
			一	
			號	
			類	

三	二	和
〇	六	書
五	二	
函	三	
一	一	
〇	三	
冊	一	
架	號	
	類	

內閣文庫	
番號	和 26231
冊數	10 (5)
函號	205 229

詩集文集



儼塾集卷之五

賦十二

日光山賦 並序

下野國都賀郡日光山者昔在

鷓草 神武之際以二山神猛烈名二荒山也

稱德帝天平神護元年勝道比丘依二蛇之靈跋涉
入山建四本龍寺修道勤苦蓋不得上高頂到于
天應二年弃命起誓初得攀躋男體及如寶闕伽
投嶽於男體之半腹建中禪神宮日輪諸寺經行
修煉殆十四年以祈國祚詳見于空海所撰勝道

淺草文庫

歷山水瑩玄珠碑空海故一荒號日光留往山門
湖邊四年而創立龍尾社及菩提寺等勤修密法
其後

仁明帝嘉祥元年圓仁來遊立藥師寺以弘台教禱
祠得驗名聲籍甚云載在于羅山子二荒山神傳
往古蟒蛇蜈蚣之角力猿麻呂之神箭故事具誌
焉又野相公之緣起藤敦光之私記舉山勝狀最
可觀者矣迺元和三年大樹台德公祀東照
大神君於此處以其名境超出於關東諸山也寬
永十三年大樹大猷公大興神祠彫鏤盡美爾

後過一十六歲慶安四年大猷公薨乃葬神宮
之西山經始靈臺莊麗極妙寔時君之所尊崇
百姓之所拜趨也貞享甲子春橫山內記知清翁
恭承台命勤事於此余亦追隨暇日應其需製
短賦振古作賦者美言過稱飾辭浮華今舉實事
不敢空言欲使後人有便於歷覽也其賦曰
二荒之陽東方勝地飄乎恣目偏驚靈異夫神宮
之宏麗豈漢廟之所比椽栒簷牙獅象舉頭扃扉
墻壁鸞鳳展翅珍石香木是聚是彫磨金明珠以
鏤以治檻列仙人之踰躔楹集玉女之嫵媚飛梁

架空而光彩虹橫。峻宇聳雲而金紋星熾。樓閣輪
困。繪畫巧緻。層塔崢嶸。寶庫列次。柱材自朝鮮國來。
燈基從阿蘭陀至。良土不能模景狀。才士無由賦
全備。日炫耀而失視。心惶怖而發悸。西有靈廟瓊
殿瑤室。丹青映於林對。燦爛輝於天日。相輪之銅
標。卓爾孤立。三佛之金人。儼然容膝。又常行之連
高。蔓源賴朝嘗創礎礪。新宮畫棟在傍。巖畔翠微
芳秘。隔巒瀧尾。茂陰鬱密。三杉含風。令人戰慄。本
宮東構前流。洋溢碧屏。嵯峨清籟。蕭瑟水則二川
兩峰。流來大谷。河漲而漫波。幾榮回。稻荷川急而

飛湍爭喧。厖水巖競起而砒砒。硯石蹲居以崔嵬。
萃巖之瀑。晨光高照。憾給之淵。激浪玉堆。裏見之
幽邃。霧降之陰霾。寂光之沈寥。瀑布各臨臨。山則
節彼二峰兮。盛暑雪猶斑。男體大於泰華兮。一望
小眾山。女體比於峨眉兮。曉粧梳雲鬢。太郎嶽似
長子兮。肅肅其容顏。鬼神冥冥兮。如在層巔。濁夫
汚土。慎勿躋攀。涌谿溫泉。號如意湯。一浴則身體
爽輕。吁。巨靈之仁惠。救沈痾以快平。異鳥叫。慈悲
心。宴坐偶聽其聲。栗鼠與猿互翔。杜鵑與鶯同鳴。
無車馬喧。而鷄犬相聞。無畋獵騁。而麀鹿不驚。櫻

花晚發而四月初見春色霧露時橫而九夏已逢
秋冷原夫勝道之開此山也當于

稱德帝之朝松杉翳翳菅茅蕭蕭震雷號號魑魅佻
佻蛇王棧大徑兮乃為神橋海師修密於空開兮
仁公傳顯於遠遼慈眼揚善於
烈祖兮功比八
合有所超大廟乃營爰祭爰祧本支百世今德是
昭維此令德高達青霄萬國以寧雨順風調亂曰
二荒其奇哉尊哉輔成羣黎觀宮殿之玲瓏兮仰
威福之高崇拜寶塔之穹窿兮尊治安之成功聆
山靈之猛悍兮敬鬼神遠暴慢臨澗流之鮮祭

高其志式燕術采薇兮擬昔陽之賢摘水兮得
期之仙凌絳霞兮跨於赤城之懸挹甘露兮美於
華池之泉至若中禪之寂寞至靜可樂歌濱之風
音睡夢頓覺南湖北江滿眼廣博朝輝夕陰胸次
灑落嗚呼天工所作誰極識度我今携筇尋山原
聊動吟覓形容十一貽諸後昆庶遊此地者其知
予之不食言

窮士賦 並序

見赤子之匍匐將入井側隱內萌見牛之齧棘過堂
下仁愛外發皆生乎不忍之心而天理之自然者矣

世之尤慘者其窮士耶。聞唐之風俗士大夫不遇時者皆還其鄉里奉祀蓋有負郭之田以足養乎事之堪羨者莫過焉。今士之有故而去者飄飄乎流轉四方固不有尺土勞苦艱難殆至凍餒欲異其命之徒豈可得乎。諸侯不皆之恤見者以爲常哀哉余所識有二三窮士其悲酸不可言此輩寧不犯朝憲毫無可責余不忍見其如無罪而被貶逐於是作窮士賦以效楚體其賦曰

吁嗟落魄落魄兮離鄉遠在。祿不身從兮行路快快。形容憔悴兮。遐棄我黨。邦禁不納亡賴兮。微服終日。

鞅掌初藍縷蕭散兮。後卧牛衣中。被蒼者天兮。何因。英雄世少知美璞兮。誰識爨下桐。和扁若可起兮。寧來治。此窮觀夫史載高士兮。就舊里而樂間。今無頃田可耕兮。彈長鋏唯悲歎。悔不好弘景之術兮。焉得採藥入山。未慣君平所爲兮。賣卜都市是難。斷斷乞食常養勇兮。疾視三軍氣未衰。雖著短褐弊裘兮。穎脫猶囊中錐。嚮者于戈之世兮。輕萬金求士歸。登壇拜將任遇重兮。築臺招士卑其辭。三顧草廬舉賢兮。躬迎釣座尚師。釋射鉤斬袂之怨兮。反厚幣重賞無疑。承平久而良弓藏兮。有才不值五羖皮。昔原嘗食

客三千兮。憾我不生其時。臨江畔。悲靈均之見放兮。
過林麓。憐介推之獨遺。或有事扣富兒門兮。傍人笑
以爲貪汙。或遊縉紳之藝場兮。謂我僥倖甚賤惡適。
訪故友稀逢兮。還見嫂叔勃怒。無罪而流竄與處兮。
鬱陶乎向誰告訴。惴惴瞿瞿謀產兮。不擇寒暑晝夜。
寶力變而不貴兮。金鞍古而損價。如病鶴之翮折兮。
似羸馬之足跛。任哉疲奔命于權門兮。遯哉投閑散
于荒野。恍恍惚惚如醉兮。慨生辰之不穀。天主誠聖明
兮。豈敢轉溝瀆非若小人斯濫兮。確乎守君子之德。

後樂園丹楓賦

維旃蒙赤奮若。孟冬之中。遊後樂之靈囿。覩彼丹楓。
霜葉勝華。乃感時兮。碧色變錦。茲觀天上。駭光彩之
射幽壑。恥絕豔之照衰躬。嘗聞老幹爲仙。忽怪片葉
化龍。爛爛如燃。如酡顏紅。傍帶纈纈。陰裏青葱。低昂
參差。指西向東。於戲儼然盛顏。斐然成章。桃李失其
媚。蘭茝失其芳。姚家失其富。睡棠失其糝。宜哉衆花
時無相望也。唯菊鬢乎離下。蓋夫隱逸自存。藏翠
巒重疊。以回護茂樹。四圍而輔扶。鴻鵠爲之停翥。鸞
鳳來而踟躕。梢接雲端。正知映日霞綺。影沈碧浪。疑
是撐月珊瑚。何用別遊吳江楚岸。却思箇裡瑤臺蓬

壺。余去歲之冬。恭浴。君恩。史館之暇。初趨後園。尋
今春携母來過。又秋白。俱友入門。每至于是。必動詩
塊。雖然勉強求句。未成佳篇。或有腹藁。遂不得全。所
以者何。多景交錯。氣象萬千。心悸。膚汗。神馳。目眩。况
乎楓對之賁。丘園羈縻。墨客而不許還。且夫後樂之
爲名。蓋取諸後。天下之樂而樂也。今此樹也。後萬卉
之榮。而獨綽約。秀秋均美譽。於桂華。傲霜比貞操。於
松栢。百爾君子。敢不述作。是故小生。不顧菲薄。

西山賦

黃門源公致仕。移居西山。謹獻賦奉賀。

瞻望彼西嶺兮。杳靄而嶙峋。覽壺中之異境兮。啓桃
源之芳春。紫芝之秀曄曄兮。白石爛粼粼。澄潭深而龍
蟄兮。古洞靜而鶴馴。巖花發而曬錦兮。砌蘚敷以成
茵。惟上帝之惜勝境兮。假我公而養天真。不日經
始此室兮。迺知百祥所臻。衡宇以可棲遲兮。馨德夫
孰等倫。從遊于赤松子兮。效隱於潁水濱。地幽邃而
通三徑兮。樹芊葦以遶四隣。採佳節之嫩菊兮。嘯爽
籟而羨蓴。窓牖涼其以風兮。懷太古之至淳。闐闐遠
而無喧兮。伴避世之逸民。雖有高車駟馬兮。豈易青
松綠筠。摘藥草之卻老兮。嘗金液而輕身。對明月以

終夜兮賞晴雪。而崇晨遣興舉紫霞盃兮。適閑著烏
角巾。會支許以灑落兮。追莊惠之清塵。堂如綠野之
蕭散兮。功績赫而是振。廬若香山之閨寂兮。文章炳
焉其新。且暮繙經籍兮。樂聖賢之可親。左右置圖史
兮。閱古今而敷陳。跨越百世而獨步兮。祖述皇風以
彌綸。殊方稱個儻之高傑兮。蒼天知志慮之忠純。神
明護而呵邪魅。景星聚而徠德人。吁蕩蕩乎竟何說。
仰彼泰伯之至仁。

頌十三

乘光攝提格元旦頌

青帝出震。歲紀在寅。品物資始。百祥是臻。雪消冰泮。
霞橫氣新。維梅及柳。綠長香勻。鶯轉喬木。鷄報清晨。
植松樊竹。各飾鄉鄰。夙興祝君。舉杯壽親。壇設聖
像。架祭陽神。粢饌椒酒。是羞是陳。祖考降命。若有諄
諄。曰錫爾類。福履綏身。惟皇元會。熙熙令辰。昉姬覆
育。觀天之仁。發生施化。安土和民。幸遇堯日。黎獻來
賓。藝場相賀。執禮闐闐。且歡且樂。慇懃賞春。於戲肇
歲。萬壽無垠。

源義公令德頌

古稱至敬至哀。不用文章。而其所以爲之者。以其

德業顯赫不可著于舜也。尚謙恭事。源義公。叨蒙鴻恩。嘗奉職於史館。今教授于城下。且去歲三旬進藥。近奉診視。故其盛容偉德。不離眼目。謹作頌一篇。以形容盛德云爾。頌曰：公德高明。峻底于天。公才廣大。溥博淵泉。丹詔嘉尚。文武兼全。考證星紀。循導山川。學通二教。化被四邊。仁民愛物。無黨無偏。制度法古。中禮周旋。士庶知方。群寮尊賢。孤竹克讓。名分比肩。芝蘭德馥。松柏操堅。不朽盛事。勅成史編。裨益王政。懲勸醜妍。武林好學。惟公為先。邦禁殉死。惟公。

所詮。儀表卓爾。風威儼然。遂遊丘壑。乃樂天生。綠野香山。可與其傳。預設佳城。爰碑爰鐫。嗚呼所爰。永世致虔。域中仰止。彼西山巔。

靜壽軒頌

嚮者源義公薨後。著令德頌。宣揚什一。吁。義公聲名。罩于異域。豈後小臣之贊詞哉。今龍作公守文之德。世人未能盡識。僕近陪靜壽軒者。龍作公與眾士同樂之地也。密有感。公盛德。欲譽之。卻疑渾于諂媚之語。欲默之。只怕埋於緝敬之德。因著頌一章。示我家二三子。勸敬忠之志云。

先君義公文明遠振。此公襲封克孝克仁方正篤
恭謹慤溫純秉心翼翼出辭閭閻精忠奉上門無
雜質恒恤衆庶復敬鬼神講武游藝運動養身止酒
制慾起居惟寅無爲之化和樂其民在古多譽今未
薰人我知公德實事是陳稱揚近諛密書自珍

銘十四

我未銘

我未勝人欲我未能修身我未收放散我未克粹純
我未盡忠信我未遂孝嫻我未合禮度我未除病因
不肖夫如是豈不效古人亶亶拒外誘隨勤德日新

行如磨玉石心要除垢塵緩步通血脉靜坐養天真
臨時有惑亂致知極尋倫倫理若不辨去私須咨詢
學優則有祿道生何憂貧復初改不善困後能亨屯
守約曾參勇不違顏子仁博文與約禮所尚其彬彬
只恐人欲盛此箴一朝泯云何保終始存誠夙夜寅
書帙銘家藏

刀銘家藏

斬鹿爲一試人凡四霜威懲邪龍光呈瑞利器爲末

須正我志。不拔不振。惟德之至。

硯銘 家藏

義公之賜。小久慈。硯巖平。松垂水瀉。雲現近。移墨池。永鎮書院。庶與同壽。臨文不倦。

贊辭十五

屈原像贊

舉世混濁。獨醒自臧。雖令見放。思君不忘。嗟不可諫。作昏作狂。登用讒佞。棄置賢良。維此正則。澤畔徬徨。懷瑾握瑜。食菲飲芳。伏櫪騏驎。在笈鳳凰。離騷之作。日月爭光。遂懷沙礫。于彼瀟湘。孤魂誰招。定遊遐方。

咫尺貌遺。千歲德彰。忠情義氣。使人慨慷。

寒山子讚

重巖卜居。白雲為伴。喃喃讀黃老。吐露妙語。不放誕。誰道這漢風顛。一指標月。盡歎未始。認影像何須解。了寒煖舊時。蹊路可追尋。國清寺上暮霞散。

拾得贊

天台懸絕。可以棲遲。摘菜拾菓。可養我飢。蔑視世間。如塵芥。磅礪物外。還忘機。唯有寒山笑。唱和似友非。友無人知。元來不曉。其所生誰能會。得其所歸。

飛龍辭 時有飛龍

龍兮龍兮。汝能蟄在淵。時來命至今。乃奮發上天。汝若不蟄兮。曷爲如斯然。維其命也。汝能安靜也。維其時也。汝能知幾也。

神農論贊

傳曰。古者民茹草木之實。食禽獸之肉。未知耕稼。炎帝因天時。相地宜。爲耒耜。始教民執五穀。而農事興焉。民有疾病。未知藥石。炎帝始味草木之滋。察其寒溫平熱之性。以療民疾。而醫道自此始矣。復察水泉。耳苦。令人知所避就。由是斯民居安。食力而無天札之患。天下宜之。故號曰神農氏。嗚呼。大聖之德。神而

化之。大哉至哉。厥後黃帝作內經。以醫民病。后稷教民稼穡。而民人育焉。皆基於神農。數千歲之後。迄于殊土異域。莫不仰之祭之。是所謂大德之敦化也。又傳曰。神農嘗一日而遇七十毒。夫上古聖帝。恤民之情。何其親切。至如此。嗚呼。篤哉。學醫者宜鑑焉。有二折肱之志。始可與言醫。已矣。美食輕裘。居然爲醫者。非神農之罪人耶。可恥之至也。非惟勸戒醫家。抑亦撫民之士。播種之農。仰慕聖德。心存仁慈。躬嘗艱難。防禁安逸。其近乎道而已。

行狀十六

祖考玉翁了珍府君行狀

祖考玉翁了珍府君源姓松本氏諱助持初稱雅樂之助相傳其先佐佐木之庶流經亂離而遷居紀州考曰宗佐不詳其卒年府君以永祿九年丙寅某月日生于紀州湊邑及長與兄刑部居大田邑天正十三年豐臣秀吉公征根來寺府君兄弟與邑豪傑聚兵二千餘人構柵大田拒命固守公謂此城不可力攻乃築長堤決吉野川灌之兵多漂歿或出乞降而逃去者二十餘人府君兄弟駕船遜于阿州公搜索不已府君家有寶刀名三好鄉託人獻公請救黨與

命公得刀咸皆見赦已而府君事大和大納言秀長從軍于南海道四國已平均賜祿一千石秀長逝後居于攝州天滿鄉親近淺野彈正少弼長政受月俸若干文祿中朝鮮之役從長政攻晉州嶮城股被矢瘡不能致功勳凱旋後還居天滿鄉慶長八年三月十八秋八月有亡命匿市者大坂吏小出播磨守禁錮之天滿市家其家府君之隣也一日囚人之友五人來放馬於街東守囚者皆出觀之此間囚人越垣逃走與其友東過樋上橋府君聞之追至橋上捉同田貫刀大呼曰六人避一士怯乎懦乎敵返鬪于橋

上頃刻之間。斬三人。縛囚人。係之橋欄。于其餘二人。遁走北方。寺邊府君又追及之。頻鬪。一人被創而伏。一人遠去。府君不被小疵。吏播磨守大感賞之。賜志津刀。大坂諸士無不稱焉。時讚州守伊駒雅樂頭。聞其勇功。招之。遂赴于讚州。賜祿五百石。自改稱與吉兵衛。十五年春三月。與同僚爭事相擊。立斬二人。出門而去。從者四人。乘小舟。至引田。夜行阿州。渭津。少焉。遷于紀州。蟄居藤代邑。多歷年所。仇家欲復讎。旁求諸方。偶逢于路。皆爲府君所擊殺。後還居天滿鄉。寬永十四年丁丑。夏六月。將浴有馬溫泉。七日甲辰。

路至生瀨。中風俄發而卒。年七十一。葬覺應寺。號玉翁。了珍居士。府君性剛毅嚴厲。不敢受他陵辱。聲高聞乎四隣。善書巧棋。爲人謀產。必合時宜。故多就問業者。而家亦苟富。恒貴質素。不事文飾。嘗歸本願寺宗。爲門主。所知云。娶阿州士森志摩村春女。生二子。長左介。事淺野但馬守長晟。掌船艦事。秩二百石。壯而卒。次子次郎。我先考也。有二女。長嫁木成某。生二子。一女。長男玄卜。業醫。有一子。共居紀州若山。次女不幸而歿。季女嫁石井隱底。生一子。在攝州大坂。孫尚謙謹錄事實傳于家。

先考空菴性壽府君行狀

先考空菴性壽府君姓源佐佐木之苗裔本氏松本幼稱次郎諱清考曰玉翁了珍以勇武見稱母森氏阿州森志摩村春之女府君以慶長七年壬寅十月十一日己亥亥時生于攝陽天滿鄉少而喪妣玉翁性剛不慕愛及長令勉遠遊艱苦磨礪西往肥州長崎東至羽州最上不遠數千里其在肥州也遊佐賀城下從朝鮮人鄭竹塢習詩書學文藝竹塢待府君至懇因欲授氏爲鄭而辭不受寬永四年府君年二十六赴于武州江戶師半井驢菴瑞壽先生專學醫

道夏名九折初叔母嫁中野仁兵衛而爲先生乳母有才量先生幼時奉養竭力時時捧負以見執政及春日局遂嗣大父通仙院瑞珪先生之家大興其家以故驢庵先生視府君異他乃監司藥寮賜藥匙壓尺二物永傳于家每獻藥於大樹幕下必使府君書銘幕下嘉其書先生常謂待數年後將薦舉于幕下以登官醫十四年夏六月七日玉翁没于攝陽府君年三十六速往攝陽遂葬致喪而還至江戶侍于驢菴先生十六年冬十月九日先生卒府君在側送終勤勞遺功令嗣而以不得預官醫之列居常

快快明年嶋津黃門家久鄉。以良醫延府君。其宴諸侯無不陪從。祿給五十口。自號全庵。居十年。而自謂榮利進趨。雖似得志。囁嚅趨起。不可安心。不若辭去。遂辭而退。住江戶城南弓町。廣醫五年。救疾不嫌近穢惡。不惜費家資。會橫山內記知清加番于駿府城。招府君從之。醫療屢効。見許。肩輿出入城門。暇日詣淺間神社。受神道於總舍宮內。已而還江戶。一日遊人家。看床頭有書。名法寶壇經。讀之忘食。竟願避繁華。就清閑。承應元年五十一歲。偶見攝州高槻城主故永井日向刺史直清君。君以處士待府君。且給

月俸。府君大歡。投閑散。赴高槻。朋友親戚愕而止之。不聽。於是改號壽庵。又改氏為森。蓋有故也。歷三歲。隱元師西來。居于高槻城西普門寺。府君喜見之。數聞法語。多醫病僧。師乃號府君為空菴。性壽。爾後醫窓之暇。好看釋典。研究金剛般若。男尚謙漸。長就學。於是令往京師學問。力則喜。施則怒。嘗手書諭誨曰。夫立身行道。揚名於後世。以顯父母。孝之終也。嗚呼。汝何日出幽谷。登喬木。又親書五事授之。一曰。須惜分陰。求放心。二曰。禁遊興及雜談。三曰。勿說人之短。四曰。一切用節儉。五曰。處聚落要慎。失火。汝宜省察。

莫忘或賦詩勸學激切不可勝言。府君老後每雨濕患痰喘因息交絕游願養自適儻久寶寺居焉稱牧父居士。延寶六年戊午春正月患寒熱方篤二月四日乙亥晨日我將成矣命尚謙大書障面于清涼澄觀語。修習空華萬行安坐水月道場。見書了大喜慰。午後自起拈香敬禮自說曰我見佳麗勝絕境又曰凡所有相皆是虛妄應生無所住心至暮症甚危急仍求驢菴家傳龍腦丸尚謙曰證治更異不知可否。府君曰亦欲爲後試驗也乃服數粒痰除氣安至戌時揚聲叱家人不令近居在傍者士人渡邊矩正僧

教存與尚謙二人耳。亥時舉手正巾齊衣領端坐不動泊然而沒壽七十七有臨行偈曰寂寂還鄉春夜天不須車馬不由船清風明月是知己夢眼忽開輝大千塋于龍寶山大德寺真珠菴後苑驢菴先生墓傍府君性剛不屈敏而能勤恒奉崇神道始終無怠敬四書小學威儀以莊暮年好禪而不著法其感戴師恩頗超等倫資質聰利該備雜藝至和歌書法兵術謳曲茶禮皆通大旨所著詩歌唯貽一卷初娶滋野氏生一兒一女皆夭滋野氏亦歿後娶森田氏生一女亦天生男尚謙承繼遺業尚謙謹誌履歷泣血

拜書

碑十七

森田不遠碑銘

森田不遠姓小野。猶股範綱之後。諱孝治。小名清三郎。後名與次。左衛門。父日本齋宗傳。仕故阿州刺史蓬菴君阿淡。兩州刺史義傳君天庸君。以謹慤稱焉。母野中氏。不遠以慶長十五年。生于阿州德嶋。寬永二年。歲十六。中撰。仕天庸君。近侍八年。尋掌修造事。正保三年。預淡州政務。移居洲本。察姦隱。獄訟。天庸君慰勞至懇。加賜祿至二百五十石。寬文八年。文瑛君命。檢察阿州德嶋城下事。奉職八年。延寶二年。

歲六十五。告老。請致仕。執政不聽。友人曰。足下功勞久矣。當有恩榮。宜待須臾。不遠固請不已。文瑛君遂許之。乃傳祿。男孝始嗣其家。元祿六年七月。羅病。手書號不遠。十九日没于德嶋城西。壽八十四。葬慈泉寺。不遠仕宦凡五十年。奉侍刺史。往還江都十七度。無有過失。長子孝始。事今刺史。次子孝之。為四宮氏後。嗣功名。家四女各嫁。有家。凡孫二十六人。曾孫九人。皆全。鄉閭羨之。不遠兄日瑞。哲號恕庵。業醫。受和氣之傳。不遠分祿奉養不懈。姊日妙允。亦奉養之。兄姊諸子孫。愛育之。同其所生。不遠事刺史三世。屢蒙

褒賞性質温厚和平身長六尺雖達武事而韜晦不顯決事有智慮讀書無倦愛詩好歌飲酒不亂好稱人之美不言人之惡其宗族朋友有不和者諭而睦之違禮度者必箴規之退隱二十年間逍遙山水唯樂釣竿自稱空侗子無問世事恒教誨子孫丁寧親切爲鄉人見稱沒後聲譽不衰銘曰
祇役夙夜無逸五十年唯愛日所謂始終惟一敬而無失在古不可必今世亦少匹其預政也重仁術裨益之功不恥輔窮貽兒孫以陰德豈論祿秩嗚呼矍鑠老健之質退讓居此空侗室植蘭愛芳苾聲名誠

洋溢斯鐫以實履歷纒述元祿六年十一月朔日孝子孝始建從孫森尚謙勒

拙齋藤子粹碑陰

拙齋藤原姓三山氏諱義純字子粹稱彌一郎父小野里庄助仕越後羽林君母癸生川氏寬文十一年辛亥八月二日生於越後高田城下幼至武州江戶二山彌三郎義長養子之因冒三山氏母垂水氏視如所生性質温和敏而有才及長致志道義篤崇程朱之學父母朋友稱焉元祿九年丙子五月嬰疾自知不免其心無動在牀猶不忘敬疾病賦詩有客氣稍消義理明之句臨終告父歎息命短不能繼志終

孝且勸同志居業勿倦。憊憊謝瞻病人鄰里無不嗟悼。八月二十四日没于江戶本郷之側。年二十六。葬于品川驛海晏禪寺。友生山口之恬建友生森尚謙勒

先妣森田氏碑陰

先妣小野姓森田氏諱佐久。其先出自猪股範綱。以元和八年壬戌四月二十九日乙未丑時生于阿州渭津。祖考日本齋宗傳府君。事阿淡兩州刺史。考日恕庵瑞哲府君。業醫在京都。師通仙院瑞珪先生。受其傳。後退休渭津。得中壽而没。妣淺野氏早没。祖妣野中氏愛育超于諸孫。而叔父不遠視猶子矣。先妣

性質仁愛。意度豁如。善調饋食。巧於縫裁。親族莫不稱其女德。及長嫁先大人空庵性壽府君。克治家道。隣里稱之。男尚謙在胎也。樂聞讀書。胎教頗備。尚謙已生。及齠齔。教育讀經書。習文字。訓導嚴正。肄業服勤。大人没後。剃髮稱知性。居常修善。又喜人善。嘗尚謙受病將死。凡再每禱神明。求身代之。乃得瘥。遂就宦途。繼大人之業。皆先妣之力也。元祿十四年辛巳二月七日乙丑戌時。没于水戶城下。年八十。法號真

覺。葬神崎寺。
祭文十八
祭先考文

嗚呼哀哉我父。嗚呼哀哉我父。嗚呼哀哉我父。嗚呼父何棄我。今遠遊。嗚呼我何別父。今獨留黃泉境。異兮冥路悠悠。遺藥遺書。今每見悲愁。庭訓降慈。今是學是修。昊天罔極。今恩重山丘。不孝旅生。今日夜無休。天涯祭奠。今不腆惟憂。尚社兒孫。享此薄羞。天和辛酉歲中元日

祭先妣文

嗚呼哀哉我母。嗚呼哀哉我母。鞠育劬勞。今復其伶俜。昔我病篤。今禱求代命。已瘳仕宦。今訓導處正祗。今苟完兮家業。頗盛神其安處。今莫憂我病。嗚呼昊天罔極。今哀慕無竟。維此薄奠。今是供是敬。尚饗。元

祿癸未歲六月七日

傳十九

鈴木勇山家傳

鈴木勇山其先世任參州足助邑構城居之。高祖父曰善三郎。元龜二年四月。武田信玄攻取足助城。於是去而事東照神君。與同族越中守屬西參河石川伯耆守指揮。與松平勘四郎平岩七之助等同隊。列天正九年春。神君攻遠州高天神城。擊勝賴兵。善三郎越中守獲首百三十八。善三郎子曰友之助。繼事神君。為五字使番。賜祿千二百餘石。奧州之役。為旗奉行。關原凱旋之日。命守伏見城。病不能往。

終没于參州。壽八十六。嫡子昌祖之名曰善三郎。先
父而没。其子曰善三郎。是宗家也。而友之助在京時。
側室生子。尤愛之。逾嫡子。於是嫡孫善三郎。遜于濃
州。外祖遠山右衛門佐存恤養之。大坂之役。見神
君于大津。近侍幕下。賜月俸。治平之後。神君命
中山雅樂助曰鈴木之子。以近侍予。本陳無由與敵
交鋒。而其器幹事者。因賜衣服為源威公臣。仕
威公之家。稱三郎左衛門。名重有為。步卒長。見許養
鷹雜賀孫一。稱其門地。以女妻之。是勇山之父也。其
在京側室所生子。名友之助。元和元年。事神君為

小姓。子復曰友之助。凡同族長左衛門。九大夫三郎
九郎。伊兵衛等。皆事幕下。子孫盛于今也。三郎左
衛門正保三年六月十四日没。年五十三。號月肝宗
心居士。勇山年四歲。繼父家。賜祿三百石。稱三郎左
衛門。名重時。後改三郎。進職為使番。寬文十三年。
中宮誕皇女奉。義公命上京賀之。時三家兩典
廩使者在。禁庭爭坐次。重時建言儀如先式。人僉
稱其不辱使命。後致仕。構居於水戶西北常葉邑廣
祝井住焉。明僧心越禪師過此。名山莊為祐養園。從
是自號祐養。元祿十一年十月。義公偶來臨山莊。

逍遙林中賦詩賜之。公乃命曰。爾家世尚勇武。爾
宜名勇山。因改號勇山。凡園中勝景二十。曰櫻門。曰
藤谷。曰辨夫洞。曰八橋。曰山薑澤。曰石菖淵。曰柴橋。
曰巖溪路。曰未瀑。曰聽水岩。曰兼三堂。曰田樂曲輪。
曰大悲堂。曰藤森。曰緣橋。曰竹中路。曰山吹洞。曰九
折坂。曰龜野。曰松峰。勇山恒心至忠。愛君不忘。每朝
寅後沐浴。遙拜君所。奉禱安和。凡三十餘年。無一日
欠闕。義公之寵降屢賜物。恩遇渥隆。蓋有所感通
乎。義公薨時。勇山自誓斷食七日。以報罔極之恩。
後復每朝沐浴無懈。于今七年。奉禱今。龍作公安和。

嫡子三郎左衛門重鄉。襲祿進職。爲持筒步卒。長稱
鈴木氏。次子善三郎重義。稱足助氏。寶永三年春。勸
義公詩於石樹于園中。貽諸後世。勇山自幼好
法學。上杉謙信流於中山風軒翁。學武田信玄。流於
中山道軒翁。及里見織部。橫田庄三郎。又學楠正成。
流於道軒翁。及手塚太郎右衛門。皆蒙印可。受火砲
術於大熊八郎兵衛。受禮法於橫田庄三郎。亦蒙印
可。嘗學點茶之式於一尾鐵齋翁。中山風軒翁。於是
欲遺名後世。十數年來。聚蘆屋天明。古釜香爐花瓶
筆架壓書。二百餘種。欲納之六十餘州。名山靈區。

義公嘉歎之。勇山之叔祖父正三者。幕府之士也。好禪出家。名振叢林。勇山慕其高致。請心越師及諸禪德。題詩賦景象。蘭山師著文錄勝境。宇都宮野州刺史及鈴木松翁製和文。以述大槩。才士過此者。莫不題詠焉。今茲勇山年六十四歲。請尚謙記高祖父已來世系及山莊之事。傳兒孫。蓋惟鈴木氏之姓。或傳稱穗積亦稱源。而無族譜可徵者。家書亦盡於火災。以其世任參州足助。考之則源滿政之苗裔。足助左兵衛重長之後乎。不得已而記事實如此。若其補闕。俟後君子而已。

贊曰。勇山之於世也。其未試之霜刃。在橐之良弓乎。雖生于清時。不被戎衣。而其志可觀焉。四十年來。沐浴禱君侯之安愉。行所難堪。不以爲難。器非凡也。嘯遨好林泉。終日悅目。古所謂上帝所愛惜。此翁得之。可樂以終。誰敢間然。噫。貽美於後昆。其若人之儔乎。

雜著二十

心君詔 文全從詔救之體
實迺存養生之戒

予祇承父母之遺體。丕紹祖宗之血脈。虛靈不昧。託方寸之中。感照無窮。通天下之故。唯衆情未平。物欲交興。是以亶亶日慎。乾乾夕惕。詩云。維此文王。小心

翼翼書云設中于乃心顏子之所齋孟軻之所存豈
容不思哉問者青州從事跋扈寇我中州氣焰衝突
迫于靈臺又諸羶臭掠我層門彩色侵我眼界鄭聲
亂我聽堂蠹蟲四塞災疾屢臻予甚駭之其將軍之
官肝專決謀慮相傳之官肺能修治節協力共志是
膺是懲其餘十官等各守職業莫敢荒怠遣戍於四
肢置鎮於六窓夙夜惟寅出納惟允封太乙神君於
丹田配享以玄牝庶受休祥得考終命其自改以主
一無適而化天下味爽以前五志七情已發未發及
偷閑放吟挾書議古私淑賢哲咸皆赦之唯非禮不

仁自暴自棄不在免例皓齒青娥欲斫吾性貨貴榮
爵欲擾吾操者宜嚴禁止屏之他方斷其交通六府
九竅十二經等欽奉予命永保天祿若拒命者罔有
所赦其賜勤勞政事力行體疲酒肉各一鍾斤賑恤
困乏孝弟忠信禮義廉恥存養其德終身無害普告
百體使順予令

擬無逸

觀夫創業之主無不知稼穡之艱難以民心爲己心
守成之君多長乎婦人之手不達下民之情放恣驕
奢晏然自足雖或有始鮮克有終是故神禹躬胼胝

周公勞吐握所以建業興國幽厲淫暴虐二世縱無
厭所以亂政絕祀典籍所載千古龜鑑竊惟吾朝
之古王室日光公卿星耀及于源平互爲盟主治亂
交至其始淳直克保家邦其後源骨肉相食黨族夷
滅平侈傲忍刻子孫誅戮源賴朝曾在民間苦思久
積故治國二十年惜哉胤子不克終也平秦時恭儉
下士勤勞治務故數世執政百五十年至于高時逸
遊荒怠視民如芥遂受天討源尊氏效曹馬之迹才
略不足時楠公佐命似蜀丞相巍巍其忠淵淵其智
尊氏之孫義滿任用細川賴之賴之懲覆轍勸之以

親君子遠小人之法舍己從人故十世稱霸幾二百
年其後嗣子苒苒德衰碌碌尸位專委孽幸英雄割
據義輝身弑義昭出奔平信長大振威武未能成功
豐臣秀吉代之遂致渾一假名於漢王素服擬行於
秦皇無度爲治纔十餘年惟我東照神君履險嘗
艱寬良寬厚翼輔天子寓內清本人物蕃庶振古
所稀嗚呼古今同揆和漢一塗所謂治民祇懼不敢
荒寧必得其壽保其社稷所謂不聞民勞耽樂之從
必失壽福貽訾後昆無若平清盛高時等迷亂沈酗
又無若信長及豐臣秀吉暴戾慘酷夫無逸何謂也

日惟心耳。一心之微。萬機之本。苟向正則狂作聖。向邪則聖作狂。故君子收放心而已。舜與桀均是人也。四支百骸無異。聲音動息無異。養痾疾痛無異。其所異者。心也。微哉微哉。毫釐有差。天地懸隔。安危存亡。所繫。豈可不慎哉。

擬新田義貞復楠正成書

廷尉足下。辱惠書慰我於板蕩之間。屢讀令淚潸然。足下以至忠之情。責我以不能勤王。至矣盡矣。雖然。我有所不可不言者。故姑論之。某平日振一二尺。當萬軍。秉麾一呼。僵者皆起。而殲鎌倉之渠魁。防足利之

入寇。恒衽金革。一圖恢復。只恐背推轂之命。不成敵愾之功。不幸運祚日迫。殆似漢唐之末。讒姦得時。叔房用事。嗚呼憂國如足下。不得厚賞。諫君如藤房。不飲恩遇。宜哉謀臣良將不能全節也。予當此時。腸日九迴。苟欲禦外患。則內亂將興。欲鎮國難。則公家益驕。效忠矣哉。碎身白刃。顧家矣哉。汚名青史。而藤房已遜于荒野。足下亦志欲戰死。予惚惚不樂。願早外軍中者。以此耳。若夫戀戀乎一嬖人。沮軍後期。予謹伏罪。不敢遁辭。至于中原失鹿。車駕播越。非予之罪。彼憮人姦邪之所為也。竊惟主上蒙塵。他方而孽臣

不能如廢彼山陽公濟陰王者。因子之籌策及一二忠臣能保守也。誰敢不喜驩哉。我寧喪尤不被不義之名。請與足下合力。殄戮賊徒。努力努力。足下友人勵我以陶侃溫嶠之名行。亦令我慷慨無窮。察亮。

新述四卦 並序

引而伸之。觸類而長之。易學如斯爾。吳文正公著忍卦裨益世教。蓋看易之一助也。余暇日著進退變常四卦擬易四象志欲益我邦故有用本朝故事冀助治世安民之教矣。若依加一倍之數則四倍為八倍。為十六倍。為三十二倍。為六十四。伸之長之。其

辭无窮也。楊雄太玄。王通續易。蔡子演洪範。皆贊成易道者。爾故造卦辭。不可責以僭竊矣。

天地網緼。大極生陽。陽必有進。進極而靜。故受進以退。物退散則變。故受之以變。物不可以終變。故受之以常。常久君子之道也。

進積下
達上

進亨。利。立志。真正有終。斷曰。進內剛而外動。是以

亨。立志可以進德。是以真正有終。日月星辰之行。天之進也。草木生長地之進也。立身興家人之進也。進之義大哉。解曰。火興雲騰。進君子以講學明善。創

業施德

初一。君子存誠吉。小人從欲凶。解曰。進之初。在辨幾也。吉凶因我從心所歸也。

次二。芽出地。有明至。解曰。芽出地。進形已具也。已有所進。同志相遇也。

次三。鴻鴈遠來。其翅不垂。君子孳孳。遂逢此禧。解曰。鴈不垂翅。所以度海也。居業不止。其禧可待也。

次四。進登得警。其言遜。其行危。无咎。解曰。進近君。恐有警也。其言遜。何至危也。

次五。維王巡狩。利舉賢。解曰。在位之進。往視下土。

也。任賢舉能。仁惠普也。

上六。太閤伐朝鮮。窮兵黷武凶。解曰。心縱无制。必好遠大也。進之極。還招損害也。

退通下窮上

退利貞。有言厲。莫縻封爵。利遊丘壑。斷曰。退內勇。

決而外遜。順故利貞。止退者。无言言則危矣。四時代謝天之退也。萬物衰替。地之退也。歸休隱逸。人之退也。

也。退之義至哉。解曰。風逆水落。退君子以佯狂避難。處順不爭。

初一。人不知无愠吉。解曰。退初在下。誰知其正也。

修己无愠謂之知命也

次二。姤于山。釣于淵。无咎。解曰。已退得時。可无憂

也。于山于淵。可遨遊也。

次三。羸馬不前。中心悒悒。狼狽不決。吝。解曰。羸馬

不前。在途艱難也。狼狽不決。其心不安也。

次四。首如蓬。中心夢夢。欲遯則得。欲止則災。失謀才

吝。解曰。首不得梳。所以苦思也。近君欲退。事豈容

易也。

次五。大人讓位。傳賢元吉。无誠危。解曰。讓位揀賢

大器不可輕也。好名行私。是為无誠也。

上六。藤房遠遯。正成戰。死。貽名。後昆。解曰。忠諫不

容。是臣之窮也。忠謀不用。是士之終也。

變亂上下

變亨。利君子貞。智者有得。愚者失。斷曰。變積久而

發其機。難測。有為之君。當受命。是以亨。非德則不可。

是以利君子貞。雷電雨雹。天之變也。震動陵谷。地之

變也。盛衰易處。人之變也。變之義廣哉。解曰。木受

金制。變君子以化氣質。改非度。解曰。小火雖微。後當炎炎

也。變之初。宜杜漸也。

次二田鼠化為鴛布衣為君吉 解曰變化逢時必

當飛也創業革故必起自微也

次三葉未紅酒未釀其慎有終 解曰半變不化未

見其末也慎獨克己名聲達也

次四野蕘上堂殃起蕭牆昧者有傷 解曰君側變

起預失謀慮也昧者之傷智者可得譽也

次五魚化龍大人有喜小人否 解曰變在于上物

大革也大人之起小人致役也

上六霖雨蒙蒙旭日出東賴之翼公大吉 解曰變

之極蒙開明臻也變之後其命維新也

常安下
靜上

常元亨利見大人行事貞吉耽宴安凶 斷曰常內

敬无怠外不失禮儀故元亨利見大人行事貞則可

得久長荒息宴樂不得為常節候不愆天之常也生

物應時地之常也五倫克諸人之常也常之義篤哉

解曰天運地靜常君子以遠慮定行守道自養

初一新主嗣位初吉无不利 解曰新主初政清明

必常也不言其末美惡難量也

次二燕往鴈來利有所往 解曰燕鴈往來中時得

正也人不失信往而有慶也

次三春耕秋穫晨興昏息不倦吉反之吝 解曰終

日致力恒心固有也夜興晝寢不可久也

次四日昃宴或次或伸厲无咎 解曰日昃之宴樂

過中也非懷危懼奈其終也

次五仁德帝望炊烟詠歌大本元吉 解曰帝望炊

烟心在下民也閭閻殷阜皇風之淳也

上六日晚天曠益張威福揚揚忘復有悔 解曰長

日遂晚晴豈无曠也常久而變不可恃勢也

附吳文正公忍卦

忍心刃下上元亨初吝終吉悔亡利君子貞不利小人丈夫

邵玄同所作忍卦無卦下注字及元字吝作難無悔亡二字

彖曰忍剛發乎內

柔制乎外小有抑大有所益也柔制乎外下邵玄同本有故亨初若甚難

乃終有中幾也二十八字無小有抑二句象曰心

上有利刃忍君子以含容成德本心上有刃邵玄同

初一必有忍其乃有濟象曰能忍其性事克濟也初

辨及象邵玄同本係次二次二小不忍則亂大謀象曰小不克

忍成大亂也本係初二次三一朝之忿忘其身

以及其身以及其親忘邵玄同本字象曰一朝之

忿至易忍也忘身及親禍孰大也忘邵玄同作次

四出於胯下以成漢功韓信以之象曰胯下之辱小

傳事集卷之五

辱也成漢之功大功也 次五張公藝九世同居善

一忍字以對天子對下邵玄同象曰同居之義忍克

致也積而九世有容德也 上六血氣方剛戒之在

鬪象曰方剛之氣忍則滅也形而為鬪自求禍也出

文正公文集第四十九卷輟耕錄第四云。鞠人邵玄同先生嘗作忍默怒退四卦揭之。坐隅真得保生慎言。絜矩知止之道者矣。其所載忍卦與吳文正集有異。同。今注書之。又第九卷載淮南潘子素輒卦。平江校小宗魯。杏卦。扶風馬文璧謂卦愚新述四卦時。唯見吳文正心。卦耳。後閱輟耕錄私喜古有與我同志人姑注于此云。

二十四總論

二十四論何為而作也為後世告善也第一不好彼多書凡恤文勝之弊也第二長爪是細事唯恐武備

之急也第三不喜變革新制改古可歎息也第四論

郡縣誤政削地邦勢弱也第五忌小人惡有才之小

人也第六復讎議義士之致志異于賊也第七卑仙

道邪術必惑下愚也第八譏募卒不養士兵募民無

功也第九崇經學盛德大業在學經也第十尊諫官

置諫官則成君德也第十一舉謀臣謀臣所計輔君

業也第十二褒廣見所見不偏其道廣大也第十三

稱醫學醫之有本其術不漫也第十四巧制度用意

精熟其妙無窮也第十五重考試選眾授職事必有

功也第十六立教令設教道導民民克循法也第十七

嚴塾集卷之五

三五

仰皇祚用敬篤信遠扇淳風也第十八好義勇知耻之心興禮義之化也第十九恒帶劔不忘失尤則無不敬也第二十貴襲封恩情厚深則邦堅固也第二十一無外患地勢雖利而警誠不可忘也第二十二惡宦者嬖幸寵臣動致禍於蕭牆之內也第二十三淡食饌油膩厚味非攝生之道也第二十四愛武藝武以輔文並行邦治也如是致思則善治良政在茲焉或曰我所長姑置之唐所長可學者孰爲先答曰彼諫職以翼君考試以舉賢教令以諭民是二爲急務或曰本身之要如何曰克己復禮則天下歸仁正

心修身則明明德於天下所謂合內外之道矣物與我本一也彼與此無隔也故云乾稱父坤稱母民吾同胞物吾與也斯謂之渾然至公聖賢之智矣若或闇昧私蔽內乖離悖逆放縱滌洗則外必憤排怨懟扞格牴牾斯謂之禍根已萌昏愚之行矣故存誠修道與天地合其德則上世之聖治泰平之功化在茲而已

勸學文二篇 並序

惺窩先生以和字述五倫之旨其有益世教豈不景慕哉愚暇日著勸學文二篇用和字以告同志

之人冀有所開發尊信學問自修成器補助風化
學問之大意

此後學問の事... 然其傳の智性あれども古の聖賢の教所あらはれぬ
是等也... 是問也... 勸め

蓋其の... 天比... 大總... 信志... 勸め

一たまり

學問之本意

古の聖人賢人一人と學問をせむといふ人あり。學問も
方河舟を功名の舟にせむといふを徳あり。近代信長公秀
吉公、拔群れ才ありて、度量も大なるも、信長公秀
仁心少くして、才氣も、世のひ。秀吉公も仁心少く
驕奢あるも、其紀と絶ぬか、いづれ英雄ありきと、不學
の過あり。一、忠恕神を以て、書中に古書とすのみ。
其言の明也。仁道と書く。一、大平の業成創
め、後より、匹夫の身の上も皆同一。不學れ損あびて

物なり。一、學問をせむといふ。或は志あらざるも、忠孝仁
義と心得ざるも、一、見。或は邪談備學と
法布とせむ。三と破子事、或は又人み、君子小人の
分ちある人、一、種。其言、高下なる、或は或は、或は或は
と。一、或は或は、或は或は、或は或は、或は或は
同とせむ。異相あり人、或は或は、或は或は
や。答曰。學問一、庸言之信、庸行之謹、閑邪存其誠
一、非法不言、非道不行、如是ありて、或は或は
温良恭儉讓の徳とせむ。躬自厚而薄責於人。と、或は或は
此人と、或は或は、或は或は、或は或は、或は或は、或は或は
此人と、或は或は、或は或は、或は或は、或は或は、或は或は

矣。言不忠、信行不篤、敬雖州里行乎哉。聖人の爲るに、有
徳人と有（ひまろ）雙君子、終不可誼（しやう）分ちといひて、何の人請ふ、蘇
か、大勢ひかり、是れよくききあへり。或人曰、聖人の學者、難
か、つるよと、よと、人、は、説教（しやう）ど、い、つ、事、あ、れ、特、も、よ、者、と
人、信、を、し、つ、り、め、り、つ、る、り、こ、し、る、や、答、曰、聖、經、賢、傳、と、目、に、見
は、し、謙、と、い、ふ、も、克、己、の、修、ひ、を、れ、し、一、誠、乃、遠、小、か、を
る、に、克、己、と、い、ふ、目、に、私、に、克、也、私、乃、非、分、と、不、改、行、跡、我
ま、く、め、て、善、言、と、い、ふ、不、信、は、小、を、受、け、得、人、よ、と、い、ふ、是、は、
信、と、死、に、死、む、は、薬、と、骨、と、毒、成、不、改、は、其、薬、無、功、が
あ、り、私、に、克、て、氣、質、と、衰、化、と、り、何、依、て、ん、る、よ、合、を、り

志ありて、よ也。終不可誼と。人、慕り、を、然、り、く、あ、れ、に
あ、り、れ、つ、と、一、日、克、己、天、下、歸、仁、と、聖、人、の、さ、ま、り、を、さ、る、り、
物、は、よ、れ、子、大、聖、人、を、三、千、乃、弟、子、と、し、道、行、仰、く、を、九、
叔、孫、武、叔、を、仲、尼、と、毀、せ、り、り、卿、人、に、善、者、よ、い、好、と、し、れ、
不、善、者、よ、い、好、と、し、り、に、と、不、如、と、あ、れ、ん、叔、孫、の、類、の、小、人、
を、情、し、く、と、り、好、あ、り、若、彼、ら、の、合、ひ、を、獲、く、れ、ら、
ん、い、聖、人、よ、い、わ、れ、ト、此、義、と、能、く、辨、知、て、隨、分、克、己、復、
禮、の、修、り、工、夫、中、用、と、い、ふ、一、是、學、問、の、本、意、あり、
學、問、志、く、時、を、刻、と、し、是、は、誠、心、を、悦、び、事、事、に、あ、り、
其、法、を、方、と、し、し、居、び、我、と、信、と、り、あ、ま、し、く、を、是、樂、む

る況子よあはれや我多所勤^{つとめ}行^いきまも世ふれれん
これに信^{まこと}とらん人あこ時^{とき}少も愠^{いらい}怒^どとあく心と不勤^{つとめ}し
例^{たとひ}よ潜^{ひそ}る龍のあはく。靜^{しず}み安^{やす}し居^ゐる。是^{こゝ}所^{ところ}時^{とき}と知^しれ
命^{いのち}成^{なり}ある君子^{君子}やりのあり。時^{とき}ありて大人^{大人}しあはれ
あはれ。後^{のち}に天下^{天下}の人と仁^にみ歸^{かへ}きしむ。徳^{とく}業^{わざ}ととも
擧^たげとぐ。必^{かならず}ともく克^{よく}己^{おのれ}の学^{まな}ぶと勤^{つとめ}む。

